

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqqut imaattoq saqqummiuppara:

Naalakkersuisunut apeqqut:

- 1. Utoqqaat meeqqamik ernuttaminnilluunniit najugaqateqartut, utoqqalinersiutitik tamakkiisumik piginnarumallugit qanoq iliuseqarsinnaappat ?**
- 2. Naalakkersuisut apeqqummi 1-mi pineqartut iluarsiviginiarlugit qanoq iliuseqarniarpat ?**

(Inatsisartunut ilaasortaq, Anthon Frederiksen, Partii Naleraq)

Tungavilersuut:

Naalakkersuisooqatigiinnissamut isumaqatigiissutitsinni ilaatigut imannak allaqqasoqarpoq:

“Nunatsinni utoqqanngorluni inooqataaneq nuannersuussaaq. Utoqqaat illoqarnikkut sussasareqatigiinnikkut aningaasaqarniarnikkullu atugarissaartut inuiqatigiinni suleqataajuarnissamut piumassuseqassapput, taamaattumik utoqqaat ajunngitsunik atugaqarnissaat periarfissaqartitaanissaallu naalakkersuisooqatigiit sulissutigissavaat”

Der står bl.a. følgende i vores koalitionsaftalen:

”Det skal være dejligt, at blive gammel i vort land. Det er for koalitionen yderst vigtigt, at vi sørger for, at de ældre tager aktiv del i deres hverdag uanset om det drejer sig om bolig, økonomi eller andre vigtige instanser i livet”.

Kalaallit qangaaniilli ileqqoraarput meeqqamik qanigisanillu isumassuineq aamma utoqqarpassuit suli taamaapput, kisiannili ajorluartumik utoqqaat ilarpassui meeqqaminnik ernuttaminnillu sutigut tamatigut tapersorsorneqartaraluartut, qitornap ernuttalluunniit isertitai

apeqqutaatillugit utoqqalinersuitinik ilanngartuisalernerup kingunerisaanik, utoqqarpassuit qitornaminnik ernuttaminnilluunniit najungaarteqarsinnaajunnaarsimapput, naak utoqqaat ilait qitornaminnut ernuttaminnilluunniit naammattumik inissaqartitsisinnaangaluartut.

Maannakkut inissaaleqinerujussuaq aamma inuppassuit inissaqaratik sumi tamaani unnuisartut tupinnanngitsumik assut oqallisaapput.

Taamaammat inissaaleqisut amerlingaluttuinnassanngippata aamma utoqqaat, utoqqalinersiutiminnik ilanngaaffigineqanngikkaluarlutik kinguaaminnik najungaarteqarsinnaanerat pitsaasumik periarfissinneqartariaqartoq isumaqarpunga.

Ullut suliffiit qulit qaangiutinnginnerani akineqarnissara kissaatingaara.